

Saksprotokoll i hovudutval for samferdsel og mobilitet - 16.11.2021

Avrøysting

Innstillinga vart vedteke mot 3 røyster (Frp og UA).

Innstilling til fylkesutvalet

1. Fylkestinget sluttar seg til at Rogaland og Vestland fylkeskommunar og kommunane på Haugalandet arbeider vidare med nye bompengepakkar på fylkeskommunalt og kommunalt vegnett på Haugalandet.
2. Fylkestinget ber om at det vert arbeidd vidare med ein eigen bompengepakke for Haugesund nord-Sveio/fv. 47. Det vert lagt til rette for val av innretting og ambisjonsnivå i pakken når dei planlagde utgreiingane er gjennomførte og aktuelle alternativ er skildra.
3. Fylkestinget sluttar seg til at bompengepakkar på fylkeskommunalt og kommunalt vegnett blir planlagt med tanke på at det også kan kome bompengeskjening på store statlege prosjekt på E134 og E39.
4. Fylkestinget ber Statens vegvesen starte regulering av heile strekninga E134 Bakka-Solheim, og utgreie moglegeheit for bompengefinansiering til delfinansiering av prosjektet.
5. I arbeidet med nye bompengepakkar på Haugalandet legg fylkestinget til grunn at konsekvensane av den samla bompengebelastninga skal bli vurdert.
6. Fylkestinget vil ta endeleg stilling og eventuelt gjere forpliktande vedtak om dei einskilde bompengepakkane når dei er ferdig utgreidd og er klare for oversending til sentral handsaming.